

Bosna i Hercegovina
Federacija Bosne i Hercegovine
TUZLANSKI KANTON
Ministarstvo finansija

Broj: 07/1-11-17010-15/22
Datum: 20.09.2022. godine

Na osnovu člana 70. stav 1., 3. i 6. Zakona o javnim nabavkama („Sl. glasnik BiH“, broj: 39/14), a po provedenom pregovaračkom postupku bez objave obavještenja u skladu sa čl. članom 21. stav (1) tačka c) Zakona o javnim nabavkama („Sl. glasnik BiH“, broj: 39/14) te na osnovu Zapisnika Komisije o pregledu i ocjeni konačnih ponuda broj: 07/1-11-17010-13/22 od 19.09.2022, Ministar finansija, donosi:

ODLUKU o izboru najpovoljnijeg ponuđača

Član 1.

Prihvata se preporuka Komisije za javnu nabavku te se ugovor za nabavku usluga tehničkog i funkcionalnog održavanja sistema centralizovanog obračuna plaća dodjeljuje ponuđaču „Ocean“ d.o.o. Travnik, ul. Erika Brandisa br. 1, Travnik čija konačna ponuda iznosi 305.342,51 KM bez PDV-a.

Član 2.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 3.

Ova odluka objavit će se na web-stranici ugovornog organa (www.minfintk.ba) istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja.

Obrazloženje

Postupak javne nabavke usluga tehničkog i funkcionalnog održavanja sistema centralizovanog obračuna plaća pokrenut je Odlukom o pokretanju postupka nabavke broj: 07/1-11-17010/22 od 18.07.2022. godine.

Nabavka je provedena putem pregovaračkog postupka bez objave obavještenja o nabavci shodno članu 28. Zakona o Javnim nabavkama („Službeni glasnik Bosne i Hercegovine“, broj: 39/14) u vezi sa članom 21. stav (1) tačka c) istog zakona. Naime, Ministarstvo finansija Tuzlanskog kantona je 2004. godine implementirao projekat za Centralizirani obračun i isplatu plaća koji koristi i danas. U sklopu projekta su nabavljene licence softverskih modula za centralizirani obračun i isplatu plata i od 2010. godine je u skladu sa certifikatom CROC 981/10 od 30.09.2010. godine Ministarstvo finansija postalo vlasnik licenci aplikativnog softvera, softverskih modula za obračun i isplatu plata i osiguralo povoljnije uslove eksploatacije. Za redovnu eksploataciju navedenog softvera Ministarstvo finansija je dužno

osigurati redovnu tehničku podršku u skladu sa pravilima koja vrijede za ovu vrstu proizvoda. Sa nabavljenim licencama softverskih modula urađena je jedinstvena aplikativna postavka za Centralizirani obračun i isplatu plaća. Pomenuti aplikativni sistem je jedinstven, uvezan u jednu cjelinu i radi na arhitekturi sistema gdje je baza podataka Oracle i interfejsom je povezan sa sistemom Informacionim sistemom za finansijsko upravljanje za trezorsko poslovanje koji je realizirala firma Oracle. Firma «Ocean» je proizvođač softverskih modula kojim je realiziran jedinstveni sistem aplikativne postavke za Centralizirani obračun i isplatu plaća koji se koristi za sve budžetske korisnike u Tuzlanskom kantonu od 2004. godine. Ocean, kao proizvođač, je osiguravao tehničku i funkcionalnu podršku za navedene proizvode i uspješno održavao softverske module od početka njihove primjene, te se brinuo o novim verzijama i izmjenama zakonskih propisa kao i pružao potpunu funkcionalnu i operativnu podršku.

Budući da su autorska prava i pristup izvornom kodu ekskluzivna prava i da ista ima samo proizvođač ili firma koju on ovlasti, to samo oni mogu održavati, mijenjati i prilagođavati nabavljene softverske module i uspostavljenu aplikativnu postavku potrebama korisnika i zakonskim potrebama za Centralizirani obračun i isplatu plaća za trezorsko poslovanje, čime su ispunjeni uslovi za javnu nabavku iz Zakona o javnim nabavkama, a koji se odnose na pregovarački postupak bez objavljivanja obavještenja o nabavci.

Procijenjena vrijednost javne nabavke bila je 305.350,00 KM (bez PDV-a).

Postupak nabavke provela je Komisija za nabavke imenovana rješenjem broj 07/1-11-17010-1/22 od 20.07.2022. godine.

U postupku donošenja ove odluke posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača na osnovu koje je utvrdila da je ponuđač kvalifikovan te pregled i ocjenu prispjelih početnih i konačnih ponuda, u skladu sa kriterijima iz tenderske dokumentacije.

U toku postupka javne nabavke Komisija je zaprimila pristiglu konačnu ponudu, izvršila njeno otvaranje, pregled i ocjenu prema kriterijima iz tenderske dokumentacije.

U postupku javne nabavke utvrđeno je sljedeće:

- ukupan broj pristiglih konačnih ponuda je 1(jedna)
- blagovremeno je zaprimljena 1(jedna) ponuda
- nije bilo neblagovremenih ponuda
- nije bilo neprihvatljivih ponuda.

U postupku ocjene provedenog postupka, ugovorni organ nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

S obzirom da je kriterij za dodjelu ugovora bio najniža cijena, da se radi o nabavci putem pregovaračkog postupka bez objave obavještenja o nabavci gdje su se pregovori vodili sa

jednim ponuđačem te je shodno tome dostavljena jedna ponuda koja je ujedno i prihvatljiva, odlučeno je kao u dispozitivu ove odluke.


POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu u dovoljnom broju primjeraka, a koji ne može biti manji od tri u roku od 10 (deset) dana od dana prijema ove odluke.

DOSTAVLJENO:

1x "Ocean" d.o.o. Travnik

1x a/a



MINISTAR
Suad Mustajbašić, dipl.ecc.